

Digitized by the Internet Archive in 2010 with funding from Boston Public Library

DISCOVRS AMESSIEVRS LES DEPVTEZ AVX

ESTATS GENERAVX de France.

Essievrs, La passion que l'ay à l'honneur de vostre compagnie, qui pourroit estre blasmee, ou pour le moins beaucoup mes-estimee, si elle ne rapportoit quelque notable fruict d'vne si celebre conuocation, m'oblige à ne taire point quelques Aduis qui me sont tombez en la pensee, touchant les choses qu'il m'a semblé que vous deuiez le plus desirer en ce temps; & les moyes par lesquels vous pourriez donner quelque acheminemet à l'effect de vos bonnes intentions.

Si l'ay choisi ceste façon de m'expliquer par escrit, sans declarer mon feance parmy vous.) Ce n'est pas que ie vueille auancer aucune chose qui puisse tourner à la calomnie d'aucun ordre en general, n'y d'aucune personne particuliere: Mais i'ay craint seulement, que le peu de credit que vous pourriez iuger estre deub à mon peu d'experience, vous empeschast de peser assez patiemet l'importance de mes propositions.

Ie ne me suis pas vanté d'estre meu du zele du bien public, & du seruice du Roy: de crainte aussi que vous me creussiez estre du nombre de ceux, qui tant plus ils protestent de n'auoir point d'autre but que cè-Ruy-là deuant les yeux, plus ils tendet du costé de leur interest, faisans comme les rameurs, qui taschent le plus qu'ils peuuent à s'essoigner du port qu'ils regardent. La suitte de mon discours fera cognoistre de quel esprit ie suis animé.

Vous sçauez, Messieurs, les causes pour les quelles vous estes assemblez, qui toutes en somme se reduisent à ce ches: que c'est pour aduiser aux desordres qui se sont introduits en ce Royaume, à sin que l'on y puisse apporter de bons reiglemets, & des vuiles resormations.

Il faut que vous sçachiez aussi, que vous n'estes pas assemblez comme luges, ny pour determiner si tout ce que vous pourriez qualifier desordre, l'est veritablement; ny pour decider si les remedes que vous y proposerez, y seront salutaires, & receuables.

Vous estes subjects d'vn Prince, qui est le plus absolu de tous les Princes de la terre. Il n'y a point de Monarchie au monde, qui soit establie par de si iustes tiltres que la sienne. C'est vn heritage qui est escheu à la sacree famille de nos Roys par la disposition du Ciel, & le tenans d'v-

A i

ne si puissante main, ils ne peuuent, ny ne doiuent receuoir de compagnons en leur authorité.

Vous deuez doncques premierement, vous disposer à vous contenir dans les termes de suppliants, & receuoir en singulier benefice la permission qui vous est donnee de vous assembler, sans en pretedre aucun autre aduatage, sinon que comme les prieres de l'Eglise en corps ont plus d'efficace enuers Dieu, que celles de chacun en particulier : vos remostrances aussi faites du comun consentement d'une si generale assemblee auront plus de creance; vos plaintes trouueront plus de commiferation, & vos demandes receuron; de plus fauorables responses.

Vous deuez aussi tellement tascher à mettre la raison de vostre costé; soit à ne rien desirer de friuolle, d'extrauagant, ou d'incompatible à la necessité des affaires presentes, & au repos public; soit à mettre en auat des expedients cossiderables; & sous ceste moderation vous porter en tout & par tout si genereusement & si constamment, que la honte du mauuais succez (sil y en eschoit) ne puisse retomber sur vous.

Mais l'affaire estant entre des bos & fideles subjects, qui ne demander que des choses iustes, &vn Roy, dot l'aage & les mœurs innocentes, ne cognoissent point d'iniustice, assisté de ceste grande Royne, dont la pieté a forcé le Ciel de despartir à cet estat des miraculeuses faueurs, au lieuque sa corruption en auoit peut estre merité le courroux, qu'elle sa. risfaction, & quel heureux euenement n'en peut-on iustement esperer?

Ceste grande Royne, Deesse tutelaire de cest Empire, semble vous auoir voulu faire l'honneur de rédre en vostre presence compte de son

A ii

administration jusques à present. La gloire qu'elle y a meritee ne sçauroit auoir assez de tesmoings: vous n'y verrez que des excez de son affection enuers le bien public, des intentions qui procedent de la pureté d'vne conscience qui n'a que le Ciel pour object; des merueilles de sa generosité: & neantmoins vous trouuerez l'Estatremply d'abus, de consusons, & de desordres.

Les corps, qui pour iouir d'vne plaine santé acquierent plus d'embonpoint, accumulent aussi plus de mauuaises humeurs: Ainficeluy de cest Estat, enflé de l'opulence qu'il s'estacquise soubs le benefice de la paix, a contracté plusieurs mauuaises habitudes, dont il est maintenant affligé. Il faut attribuer ce peruertissement qu'il a faict du bien dont il iouissoit à l'inclination, qui est en toutes les choses naturelles, de pancher à la corruption, & louer auec dy

mille benedictions nostre grande Royne d'auoir arresté le bransse qu'il prenoir à sa totalle ruine. Or elle a voulu faire auec vous-mesmes vne consultation de vos maux. Ce n'est pas sans qu'elle aye vn charitable desseing de procurer leur guerison, & d'en-fauoriser tous les moyens que vous luy en proposerez.

Vous auez, Messieurs, desia vostre leçon presque toute faicte, st vous reuoyez ces belles Ordonnances, dont nous auons tant de volumes; Vous y trouuerez le project de toute la reformation que vous sçauriez desirer; Vous y trouuerez tous les abus, desquels vous vous pouuez plaindre, desia condamnez, & les remedes qui ont vne fois esté propres à la premiere maladie, seruiront pour la recheute: Il n'y a qu'à demander vne loy, par laquelle il soit ordonné, que toutes les anciernes restablies en leur authorité soiet exactement observees.

En leur mespris & contrauention, la venalité des charges & des offices en toute sorte de vaccation s'est introduicte: C'est la plus pernicieuse corruption qui se soit jamais glissée dans le corps de cest Estat, la plus dagereuse maladie qui l'aye jamais asfailly; La peste des bonnes mœurs; la poison des ames; le prodige de nostresiecle: Mais chose estrange! Que ce monstre n'aye point trouvé de retraicte en aucun autre Estat du Christianisme, qu'en ceste Monarchie, que sans qu'on y aye apprehédé tant de detestables inconveniers qu'il trainoit apres luy, on l'y aye si fauorablement accueilly, & qu'il y aye trouué tant de credit, qu'il puisse lier honteusement les mains de nostre Roy en la disposition de ce qui doit le plus librement dependre de sa volonté.

9

Qui a-il de plus glorieux en l'au. thorité Royale que le choix qu'elle a sur tant de millions d'hommes, d'appeller à son seruice ceux qui luy sont plus agreables? Qu'est-ce qui la rend plus semblable à la diuinité, que de pouvoir par la distribution de ses faueurs, faire des creatures? Qu'est-ce qui l'a fair plus reuerer, que d'auoir entre ses mains les recompenses de la Vertu? Ce sont les threfors dont elle se peut acquerir les belles ames.

Et toutes ces prerogatiues sont ostees à nostre Roy, par la Venalité de ses charges qui seroient receuës par les gés de bien, comme des precieuses faueurs, en recompense de leurs seruices. Il n'est plus en son pouvoir de les leur despartir: car il est obligé d'y preserer les derniers encherisseurs.

Voicy quelques vnes des desplorables consequences qui s'en ensui-

uent: Il est force que l'administration de la iustice qui a esté achetee; soit reuenduë. Les ministres qui ont employé le plus clair de leurs biens, & bien souuent celuy de leurs amis, pour auoir leurs Offices, cherchent à se rembourser: Ils se font des enormes taxations, consomment les parties qui ont affaire à cux, en frais, & en longueurs: Ils en exigét des honteux salaires: Ils ont introduict à cest effect vne forme de iuger par entrees extraordinaires, hors de laquelleiln'y a point d'expedition: lls font trente jugements interlocutoires, prouisionnels, & autres de ceste sorte, pour vn seul diffinitif, qui seroit plus que suffisant. Et vous sçauez Messieurs (ce qui vous en couste:) La pluspart de vos familles ont partagé leurs heritages auec eux; & peut estre trop inegallement à vostre desaduantage.

Orquipis est, ceste iustice mer-

cenaire decline infailliblement en iniustice: L'iniustice est la mere de l'impunité, qui ouure la porte à la licence de tout faire: Ceste licence n'a point de bornes, & passe bien tost insolemment, du mespris des Loix, au mespris de celuy qui les a faicles: De là naissent les attentats, les rebellions, puis en fin la subuersion de l'Estat. Ces choses sont tellement enchaisnees, que le progrez de l'vne à l'autre, est du tout ineuitable.

De mesme, les Offices des Finances, tombans entre les mains de personnes interesses par l'auance de grosses sommes, ne se peuvent exercer sans de grandes extortions, concussions & violences; comme seroitil possible qu'yn petit clerc qui a mis en l'yne de ces charges des centaines de milliers de liures, dont il a peutestre emprunté la plus grande partie dans la bourse de ses compagnons

Bij

se sauuast des Sergens, sil vouloir verser en homme de bien. Il semble qu'il luy soit permis de chercher à se dédommager en quelque sorte que ce soit de ce qu'il tient à tiltre si onereux.

Cependant on impose, on exige des sommes effroyables sur tout le Royaume, & le Roy ne s'en preuaut pas: car on le partage en cadet. A grand peine, le tiers de ce qui se leue reuient, tous fraiz faicts, dans ses coffres, & les deux tiers se departent entre les Commis, Receueurs, Controolleurs, Thresoriers & autres Officiers, ou pour leurs gages, ou pour leurs droicts de recepte, ou pour leurs desgarnements.

l'affection de son peuple, qui respirant à peine soubs le faiz de ses soulles, ne peut se contenir qu'il n'est clate en maledictions contre celuy qu'il croit deuorer son sang & sa

substance. Nos Roys ont same, & les mains bien purs de ces oppressions: Mais en fin ce seroit sen rendre complices, que de les tollerer d'auantage, & ne reformer pas l'abus recogneu dont elles procedent.

Pour les charges de la guerre, comme les gouuernements, les regiments, les compagnies à cheual, & à pieds: Il n'y a personne qui ne iuge que la Venalité y est encore plus pernicieuse. le laisse à part le juste regret, & les mescontentements que peuuent auoir tant de genereux courages, qui voyent liurer à prix d'argent, ce qu'ils ont mille fois payé deleur propre sang. Il ya d'autres inconvenients qui ne regardent pas seulement l'interest des particuliers, mais qui menassent immediatement, la grandeur, la paix, & la seureté de la Mona chie.

Ces charges qui sont les plus importantes du Royaume, estans de-

Bii

stinces à ceux qui les payent plus cherement, & qui partant ont plus de richesses, ne tombent pas entre les mains de ceux qui ont plus d'experience: Car mal-aysément en ce mestier ces deux choses s'accumulent ensemble.

Ainsi (peut-estre) on donnera des villes, & des prouinces en garde à des gens qui n'ont jamais gardé que les basse-courts de leurs maisons. On baillera des peuples à commander à des personnes qui n'ont jamais gouverné que des cheuaux, des oyseaux, & des chiens: On mettra les armes entre les mains d'vn furieux, ou d'vn effeminé. Et surquoy Messieurs, se pourra-on asseurer de la conseruation de cest Estat, si Dieu ne ferme les yeux à ses ennemis, pour ne leur en laisser recognoistre sa foiblesse.

Pour les reuers de la medaille, il peut arriver aussi que ces charges seront remiles à des personnes fort experimentees, & qui conserueront bien les places qui leur auront esté données en garde : Mais ils les garderont pour eux-mesmes, pretendans, non sans quelque couleur de raison, qu'ils doiuent vser & iouyr dece qu'ils ont acquis à prix d'argent, comme de leur chose propre: Et ce sont les Prouinces mesmes, & les villes qu'ils croyent d'auoir achetees, non seulemet les charges de les gouverner, pour fy maintenir, ils y dresseront des caballes, ils y feront faire des fortifications, & s'il en est besoin, ils s'appuyeront de bonnes intelligences auec les Princes estrangers: Puis quand on voudra les en tirer, leur remboursement n'y suffira pas, n'y peut-estre des armees: Et en fin il faudra que le Roy compose auec ses subjects, non seulement aux conditions de leur donner ce qu'ils tiendront en tiltres de Baronn'es, Comtez, Marquisats & Duchez, comme sit vn de ses predecesseurs: Mais à la charge de les receuoir pour ses compagnons, & d'en faire des Roytelets. Dieu vueille destourner ces mauuais presages, sondez sur de trop iustes apprehensions.

Mais c'est bien encore pis, que l'on prostitue en vente la personne mesme du Roy, puis que les charges de le garder, de le seruir en table, en la chambre, au cabinet, & partoutailleurs sont à l'enchere. Ie ne sçay comment les bons François peuuent dormir de bon somme, tandis qu'ils sçauent que ceste sacree personne peut tomber entre les mains de gens, dont on n'examine pas tant la preud'hommie, & la fidelité, que la bourse. A quoy tient-il, que quelque Prince estranger, ennemy, ou jaloux de la grandeur de cest Empire, ne suscite des ames damnees, qu'il qu'il introduise à force d'argent dans ces charges, & que par ce moyen il ne serende maistre de la teste, & de la vie de nos Roys.

Ceste seule consideration, Mossieurs, vous deuroit esmouuoir à partir de la main, pour aller tous d'vne voix crier à ceste Venalité, comme à l'origine de tous les mal'heurs qui peuvent troubler vostre repos, qu'elle soit ostee, abolie de la memoire des hommes, & qu'il soit reputé à crime de la ramenteuoir.

C'est à quoy, Messieurs, vous deuez hardiment insister: car vous ne demandez que la iustice, que les Princes souuerains doiuent à leurs subjects: Vous ne tendez qu'à rendre vostre Roy plus riche, plus opulent, mieux obey, & ne conspirez

qu'à son salut.

Il faut faire rebastir les temples de l'honneur, & de la Vertu, suiuant l'ancien modelle, auquel ils estoient

C

disposez, en sorte que l'on passoit seurement & glorieusement par ce-luy de la vertu, pour entrer en celuy de l'honneur. En lieu que maintenant vous auez en teste cet hydre de la Venalité, qui vous en desend l'entree: Il faut comme des vrays Hercules François exterminer ce monstre: C'est vne iuste querelle, c'est vn exploict, qui vous promet de la gloire, & des benedictions en la possiterité.

Mais ne vous amusez pas à n'en coupper que deux ou trois testes, à ne faire qu'esmonder de quelques branches ceste mauuaise plante: Il seroit dangereux que le tronc de l'vn, ou de l'autre que vous laisseriez ne repoussait des rejettons pires, & en plus grand nombre que les premiers.

Ainsi en arrivera-il, si vous vous arrestez à faire seulement casser la Paulette: Vous ne remediez pas aux inconvenients qui vous ont estérepresentez: Vous ne guerissez pas vostre maladie, ce n'est que la pallier, & faire comme les mauuais Medecins, qui n'attaquent que les sympromes.

Voire mesmes ie crains que ce fust jouer à pis saire: car la Paulette se peut comparer à la iustice qui s'obserue entre les Corsaires: plusieurs fraudes, & plusieurs abus se commettoiet aux resignations pour frustrer le Roy du juste prix des Offices qui tomboient en ses parties casuelles: & par ce moyen quelque sorte de bonne soy est restablie dans cest insame commerce.

Cen'est pas un si grand mal comme l'on crie, d'auoir rédu les Offices hereditaires, tout l'iconuenient qui en resulte, est que les Offices en sont plus chers, pour la seureté auec laquelle on les possede: Mais ceste seureté mesme apporte ce bien, que

 C_{i}

les Officiers demeurent plus long temps en leurs charges, dans l'exercice desquelles ils acquierent de l'experience, deuiennent habiles gens, quand ils ne l'auroient pas esté du comencement, & gens de bien, pour le moins quand ils approchét du terme de rendre copte de leurs actions.

S'ils s'en veulent defaire, ils se donnent soubs ceste asseurance plus de loisir, ou d'attendre que leurs en. fans se soient rendus capables d'y entrer, ou de choisir entre les concurrants à l'achapt, celuy qui sera de plus de merite, en lieu qu'auparauant soubs le peril de laisser leurs heritages affoyblis de la perte de leurs Offices, dés aussirost qu'ils se sentoiet assaillis de quelque petit rheume, ou le poux esmeu, ils n'osoient faire aucun choix, n'y consideration qui les empeschast de remettre en leurs places des apprentifs.

Ce seroit donc, peut-estre, tom-

ber de sieure en chaud mal, que de casser la Paulette, en laissant subsissant la Venalité: Il ne se faut non plus contenter d'aucune moderation de prix, n'y d'aucuns autres expedients, par lesquels on puisse desguiser ce venin, qui est si contagieux que pour peu qu'il en demeurast dans la moindre partie du corps, il regaigneroit bien tost son auantage, & retourneroit infecter tout le reste.

Quelque taxe qu'on y sceust faire, soubs de seueres precautions, on auroit bien tost trouué le moyen de l'exceder, premierement par la conniuence de ceux qui en auroient du prossit; puis le nombre des interessez induiroit ay sément vne tollerance publique; & vous voyla bien tost reuenus à vostre vomissement: Il y a plus de proportion de l'ynité à vn nombre infiny: Et partant il est - plus aisé de glisser de l'vn en l'autre, qu'il n'y en a de rien à l'vnité. C'est

C iij

pourquoy il ne faut point laisser mettre de prix à ce qui doit estre purement gratuit: yn grain de celeuain gasteroit toute la masse. Il faut pouuoir direà vos Iuges, que comme l'honneur de vous distribuer la iustice leur a esté mis gratuitement & liberalemet entre les mains, ils vous la doiuent aussi rendre de mesme sorte, & qu'ils ayent la gloire de ne receuoir le salaire de leur labeur, que de la main du Roy: Mais certes il faudra que ce qu'ils en en reçoiuent presentement leur soit augmenté: Carcen'est pas assez pour leur donner moyen de se maintenir en la dignité de leurs charges.

Quand vous aurez fait cesser cest interest, & ces mercenaires esmoluments qu'ils exigeoient devous à discretion; vous verrez éuanoüir ceste confusion de papiers, de sacs, de decrets, & de seaux, qui vous faisoit courber soubs le faiz: Vous verrez abreger ces longueurs, ces chicaneries, ces embarras qui abregeoient vos iours : Et c'est à quoy vous deuez conclurre, que ce grand stile duquel on vse presentement soit àbregé; comme aussi à ce que la iusti; ce ordinaire face tellement sa function sur tous les cas qui peuuent eschoir dans son ressort, qu'il ne soit plus besoin de commissions extraordinaires. Que l'onne parle plus d'aucunes euocations, & que pour en oster les causes, les Cours souueraines soient espurees de parentez, & d'alliances qui les peuuent rendre suspectes: Et par ces moyens, vous verrez reluire le Soleil de Iustice auec des rayons plus aymables & plus esclatans, que vous n'en auez point encore veus.

Or, Messieurs, ie ne doute pas que vos demandes ne soient trouuees justes, & les raisons dont elles sont appuyees inuincibles: Mais il y a des

obstacles en l'estat des affaires presentes, qui pourroient retarder vostre contentement, si vous ne faissez quelque effort pour les surmonter.

On vous dira que le Roya de longue main faict estat des deniers qui procedent de la vente des Offices, pour le moins de ceux de lustice, & de Finances, & qui sont portez dans ses coffres, ou par la voye des parties casuelles, ou par le moyen de la Paulette. Ces deniers destinez à certaines despences, ausquelles le Royaume, & le Roy sont obligez, & sils venoient à tarir sans quelque autre ressource, les affaires demeureroient fort en arriere. Outre ce, il faut faire le remboursement du prix de tous les Offices que vous desirez rendre gratuits; il faut faire vn fonds pour l'augmentation des gaiges des Officiers de lustice que vous auez requise: & le Roy ne peut fournir à tout cela de son espargne.

Ces

Ces objections sont fort considerables: & certes encores que le Roy doine auoir vn grand esgardà vos plaintes, & vous donner quelque soulagement, Sine deuez-vous pas pretendre que ce soit auec vne fi grande incommodité de ses affaires, comme de se priuer tout d'vn coup de sommes si notables, que celles qui procedent des moyes que vous voulez abolir. Si est-ce qu'il ne faut pas aussi tenir ceste difficulté pour vn refus, mais bien faciliter au Roy la bonne volonté qu'il a de satisfaire à vos saincles intentions.

Messieurs, Il faut en vn mot tirer le Roy hors d'interest: & premierement implorer sa bonté, asin
qu'elle le reduise au moindre pied
qu'il luy sera possible, puis remplacer par quelque sonds equiualent,
que vous indiquerez, ou que vous
luy serez, le reste de celuy que vous
luy voulez saire faillir.

L'on peut satisfaire à cela par deux expedients, qui outre ce qu'ils apportent vn acheminement à l'affaire presente, sont non seulement salutaires pour les reglements qu'ils apporteront à d'autres abus tres-prejudiciables; mais si necessaires que sans eux on ne peut garentir l'Estat d'vne deplorable dissipation.

Lepremier, est le bon mesnage qu'il faut apporter au maniement des reuenus du Roy, lequel mesnage consiste en deux poincts: l'vn à faire valoir les fermes, tant du domaine, que toutes autres, sans fraude & sans deguisement ce qu'elles valent: l'autre est de faire bie venir das ses coffres tout ce qui prouient, tant du chef de ses fermes, que de toutes les impositions & subsides, sans les diminutions & distractions qui s'en font entre les mains de tant d'Officiers, dont ou le trop grand nombre ou la mauuaise foy, ou les salaires excessifs en deuorent la plus grande partie, comme il a esté remarqué cy deuant.

Certes, Messieurs, cest expedient est si considerable, &ie crois qu'il en reuiendroit vn si grand emolument, s'il estoit bien exactement espluché, qu'il ne seroit besoin à la Frace d'aucune autre invention pour subuenir à ses necessitez, pour le moins on y auroit bien tost trouué le fonds qui seroit necessaire au remboursement pretendu des Officiers, lequel ne se doit entendre que des sommes qui ont esté payees aux parties casuelles ou autrement, qui sont reallemét paruenues entre les mains du Roy, & non de celles qui sont tournees au profit des particuliers: Caril n'y a que l'ambition qui soit responsable de ce que ses adorateurs luy ont sacrifié.

Mais cela n'y paroistroit gueres sur les rehaussemens qui se feroient,

Di

sil'on ne fermoit la bouche aux encherisseurs debonne foy. Vous auez ouy parler d'vn homme qui offre de la ferme des Aydes six cens mille escus de plus que ce à quoy elle a esté deliuree, outre plusieurs autres aduatages qu'il pretend faire. Vn autre veut faire paroistre qu'il y a des millions d'or à retirer d'entre les mains des fermiers des grosses fermes de France, pour les abus & excez qu'ils ont commis contre leurs baulx. Vn autre s'oblige de prendre toutes ses grosses fermes pour le mesme temps, & pour les mesmes conditions que ceux qui les ont les tiennent d'en payer le mesme prix; & outre ce d'acquitter le Roy de trente millions de liures de ce qu'il doit en rentes: C'est à ces ouvertures aufquelles il faudroit prester l'oreille, non à des inuentions & nouvelletez qui ne tendent qu'à destruire & troubler tous les ordres.

Apres cela, ie ne daignerois parler de ce qu'on gaigneroit à faire valoir les autres petites fermes: aufquelles neantmoings il est tres certain que la moytié du juste prix se consomme en presents, en pots de vin, & en griuellees: Ce qui n'est pas à negliger.

L'autre expedient, est le retranchement de plusieurs despenses excessiues & superfluës: Desquelles vous deuez supplier le Roy de descharger son Estat, & l'espargne qui sera faicte de ce costé demeutant en recepte suppléera pour sournir aux

choses plus necessaires.

Premierement, il faut retrancher ce monstrueux nombre d'Officiers, qui sont autant de sang-sues des plus clairs deniers du Royaume: Il n'y a point de doute que la plus grande partie n'en soit supperfluë: Mais qu'elle partie, Messieurs, iugeriez-vous qu'il en fallust retrancher de

D iij

septante mille qu'on dit qui sont couchez sur l'estat de la Paulette, seulement dans le ressort de Paris?

Quant à ceux qui sont necessaires à rendre justice: Nous voyons que desia dans la confusion ou nous sommes, en laquelle l'on fomente les procez le plus que l'on peut, pour les profits que leur affluence & leurs longueurs apportent, la plus part du temps les Cours souueraines & subalternes demeurent oysiues, ou pour le moins parmy elles plusieurs de leurs officiers sont contraincts de chercher des commissios extraordinaires pour estre employez: Età plus forte raison la chicanerie perdant son credit, comme vous deuez esperer, quand vous aurez faict cesser l'interest, par l'establissement de l'administration gratuite de la iustice: Vous trouverez qu'il n'y aura que trop de la moytié des Officiers qu'il y à pour expedier

les affaires qui se presenteront, & les gages de ceux qui seront supprimez feront le sonds qui est necessaire pour les augmenter à ceux qui demeureront en charge.

Lecroy qu'il en faudroit bien retrancher d'auantage de ceux des Finances: car les mains de tant d'Officiers par où elles passent, sont autant de fournaises où elles reçoiuent tant de dechet, qu'à la fin elles sont reduites à neant: Outre ce ils ont de grads gages, dont le Roy fera tant plus d'espargne, qu'il fera grand le retranchement: Les gages des supprimez luy demeureront en pur gain; car il n'y eschoit point d'augmentation pour les autres.

Il ya plusieurs Officiers aussi supernumeraires, & fort oisifs en la maison du Roy, qui directement, ou indirectement apportent une despense superfluë: & d'ailleurs joüisfent d'exemptions non meritees, qui tournent à la foulle du peuple! Le croy qu'on leur doit faire mesme justice qu'aux autres qui sont parcillement inutiles.

Vne autre grande despence se fait encore en ce qu'il n'y a presque gouuernement de prouince, de ville, ou de morte paye, qui n'aye deux testes soubs vn chappeau, & n'agueres en vne des Prouinces de ce Royaume, ils estoient cinq personnes à la fois, qui tiroient chacun pour soy les appointemets de Gouverneurs, ou de Lieutenants de Roy! Ainsi aux autres, chaque Gouuerneur à vne suruiuace pour son fils, ou pour quelqu'yn de ses proches parens, à qui bien tost il faict donner vn entretenement, comme sil estoit en charge: Ie croy qu'il importe grandement de reformer cest abus, non seulement pour le respect de la despense, mais pour beaucoup d'autres considerations.

Vn autre grand retranchement qu'il faut faire, est sur la quantité, & sur les sommes démesurees des pensions: Il ne sera pas besoin pour tirer l'auantage que nous pretendons de ceste ouverture, que l'on passeiusques à la rigueur de les esteindre toutes, comme quelques vns proposent: Il suffira qu'il plaise au Roy que l'on trie celles qui sont meritoirement donneespour les conseruer, & que les autres qui n'ont estéaccordees que par faueur, ou parimportunité à personnes, ou peuveiles, ou peu recommandables ou mesmes indignes, soient cassees: le m'asseure qu'elles se trouveront reduites à moins que du tiers de ce qu'il y

Il faut aussi supplier le Roy d'en moderer les sommes de quelques vnes, qui sont si excessiues, qu'elles ne sont qu'apporter de l'enuie, & causer des murmurations: Vous stre Prince; & c'est prescher contre vos bulles, que de borner sa liberalité: Mais vous pouuez, & le deuez en vostre coscience, le supplier qu'il ne l'exerce pas à l'incommodité de ses plus vrgentes affaires, & à la surcharge de ses autres subjects qui n'y

participent point.

Pour ne desobliger personne au choix de ceux que l'on voudroit cafser ou retenir, on pourroit faire la diminution proposee de deux tiers surtout le corps des pensionnaires en general, retranchant à chaeun les deux tiers de sa pension pour le present, à la charge de la leur restablir en son entier à mesure qu'il en viédroit quelqu'vne à vacquer, le choixdemeurant au Roy de ceux qu'il luy plaira gratifier les premiers de ce supplément, quand il y escherra.

Au surplus vous auez à desirer que le nombre desormais en soit reiglé; hors duquel personne n'en puisse pretendre: L'on éuitera beaucoup d'importunitez de plaintes, de comparaisons, & de consequences: Les pretentions seront bornees, & tant de gens ne seront plus abusez par des vaines esperances, d'où quand ils sont frustrez naissent tant de mescontentements.

Ie laisse à faire le compte du profit de ce retranchement à ceux qui tiennent le contreroolle de ces pensionnaires, plus long à mon aduis, que la Legende de tous les Saincts.

La troissesse de despense, sur laquelle i'estime que l'on peut faire vn grand & prositable retranchement: Ce sont les garnisons, & les fortisications, qui ne sont point aux places frontieres: A quoy faire tant de citadelles, tant de bastions, & tant de corps de garde, au milieu d'vn Estat si tranquille, si grand, & si shorissant comme cestuy-cy?

E ij

Ce Royaume ne redoute aucun de ses voisins: & quandil en redouteroit, ce n'est pas des forteresses que son salut dependroit. On sçait bien comment vn conquerant, qui n'auroit autre chose que des murailles, des fossez, ou des remparts en teste pourroit passer outre par dessus tout cela, & venirà bout d'vn monde tout entier, qui n'auroit point d'autre deffense. On laisse bien aysement & sans peril ces tas immobilles de gens & de pierres derriere, quand on est maistre de la campagne : Ce n'est par maniere de dire, que le butin des goujas d'vne triomphante armee: Mais la France a plus dequoy entreprendre à sagrandir, que nulle autre nation de la terre n'a dequoy songer à luy nuire : Ellea des millions d'hommes inuincibles, qui sont la seureté de ses places, & de ses campagnes, & la terreur de celles de ses voisins, voire des peuples plus essoignez.

On dira peut-estre, que ces forteresses par dedás le Royaume seruent à reprimer les seditieux, contre lesquels il faut se fortifier, comme contre des ennemis domestiques: Non, non, le R oy est assez fort auéc le cœur, & le nombre des bons François qui restét, pour faire esuanouir toutes ces friuolles entreprises que l'on pourroit supposer : ses affaires yroient bien mal, sil estoit reduit à se mettre à couvert dans ces retranchements, & fil n'estoit maistre que de ses fortifications. Mais bon Dieul qu'elle occasion de messiance peutil auoir parmy des peuples, qui louez par dessus toutes les autres narions d'une franchise naturelle, viuans soubs les loix d'vn mesmePrince, sont conjoincts par vne conuersation perpetuelle, par des amitiez iurees & contractees dés le berceau, par des alliances, & par le messange de leur sang: La difference des Reli-

gions ne sçauroit esbranler ceste vnion: Le ciment est trop fort, les excommunications n'empeschent pas, non seulement qu'on ne se hante, mais que l'on ne soit freres: Nous tenons les enfans les vns des autres pourhostages: Les barbares n'en demanderoient point de plus precieux, ny de plus importants; puis en fin nous sommes plus asseurez, soubs la protection de nostre Prince, que nous ne serions au centre de nos citadelles.

C'est doncques en vain, & à sausses enseignes, qu'on les veut saire seruir de seureté pour les vns & pour les autres: Elles ne seruent en essect que d'vn dangereux support, & de retraicte aux esprits de diuision: On sçait bien que les monopoles, les complots ne se sont pas en rase campagne: Ils se sont à la saueur de quelques rendez-vous, dans lesquels les entrepreneurs euitent les premiers efforts que la Iustice fait pour les chastier: puis arrachent non seulement leur pardon, mais encore des bien-faicts de la main du Roy, dot la boté, ou pour estre trop indulgente, ou pour obuier à plus grands frais, admet leurs desguisees excuses: voire mesme se laisse perfuader que leurs rebellions font des services: Et si ces garnisons, & ces fortifications n'estoient point, on ne verroit plus de ces leuces de boucliers suivies de si honteuses compositions: vn Preuost en auroit plustost eu la raison que l'on ne se seroit maintenant esbranlé pour s'en resfentir.

Bref,ces monceaux de pierres ne font que des amas de grauelle dans les reins de l'Estat, dont il est affoibly par la diminution de ses forces, & de ses finances: Et ne deuez vous pas, Messieurs, supplier le Roy qu'il s'espargnevne si pernicieuse despen-

se: Que s'il est trouué bon pour encore, de prolonger le terme de l'Edict de Nantes, que pour le moings on n'y tollere point d'ampliation pour plusieurs places qu'on y vou droit faire comprendre: Mais que reallement toutes fortifications, & toutes garnisons qui n'y sont pas coprises, entre les mains de qui qu'elles soient, soient desmolies, rasees, & casses.

Le Roy trouvera son authorité plus absolue, la Iustice plus libre, & le repos public plus asseuré: Mais de plus, des millions d'or en ses coffres, & par consequent le sonds de ses parties casuelles, & de la Paulette, tant par ce moyen, que par les autres cy deuant aduancez, plus que suffisamment remplacé.

Il semble veritablement, Messieurs, que l'on ne doiue rien desirer d'auantage: Mais il peut estre que nous n'auons pas bien compté, ou

que

que telles difficultez se presenteroient à l'execution de quelqu'vn
des expediets proposez: que le Roy
ne se trouueroit pas entierement satisfaict. Voudriez-vous, Messieurs,
pour quelque chose qui resteroit à
contribuer du vostre, laisser vne si
belle œuure imparfaicte: Ne vous
souuient il plus du mal que vous en
euitez, & du bien qui vous en resulte?

Vous ouurez la porte à vous, & à vostre posterité, aux honeurs, & aux charges dont vous estiez priuez, ou parce que peut-estre quelques genereuses ames d'entre vous n'y vouloient pas aspirer sous de si viles coditions, ou parce que l'excessiueré du prix vous rendoit impossible d'y paruenir: Vous vous redimez des vexations des procez, qui sont des plus grands fleaux de nostre vie: Car vous deuez esperer qu'on les fera bien tost tarir, quand ils n'apporte-

F

ront plus ces grands esmoluments, qui estoient capables de tenter les plus saines & plus heroiques ames à les entretenir; pour le moins yous payez tout en vne fois, & pour toufiours ces grands frais & despens, qui destruisent la pluspart de vos maifons: Il s'agist maintenant d'en faire vne cotte mal-taillee, ie m'affeure que quand vous la mettrez à la centiesme partie de ce qui vous en couste, vous satisferez à ce qui seranecessaire.

Ce sera, Messieurs, vne petite subuention que vous ferez, & comme c'est le moyen plus present de secourir le Roy: Se croy que c'est aussi celuy qui donnéra plus d'auancement à ceste affaire: Mais il en faut saire la somme si moderee, la partager si iustement sur tous les ordrés, & l'imposer sur telle nature de denrees, que la surcharge vous en soit insensible: Elle le doit estre sans doute, quand vous cossidererez ce dequoy, vous vous deschargez, & ce que vous acquerez en recompense.

La difficuté est, que vous puissiez traicter assez seuremétauec le Roy, & que ne couriez pas fortune de vous veoir assubjectis à ce nouueau subside, sans que vous jouissiez du fruict, pour lequel vous vous lestes imposé. Cela sest veu maintefois qu'on a fait reuiure des offices dont la suppression auoit esté fort bien payee: Il est vray, & peut bien arriuer que le Roy se dispense de sa parolle en quelques petites affaires particulieres: Mais en vn traicté si solemnel que cestuy-cy entre tout le corps, & le chef de l'Estat, il ne semble pas que la foy de part & d'autre si publiquement engagee se puisse jamais retracter.

Outre cela, Messieurs, vous sçauez le marché que s'on fait communement, tant tenu, tant payé: qu'y

F ij

aura-il à craindre, quand vous demeurerez nantis du bout que vous tenez de vostre costé? Et par exemple, que le Roy s'oblige à ne permettré jamais qu'aucuns offices soient vendus à prixd'argent, ains à les donner gratuitemet aux personnes qu'il en jugera dignes: En confideration dequoy, & pour le desgreuer des sommes de deniers qu'il en souloit tirer; la France luy accorde telle subuention, à la charge que s'il permet qu'aucun, & le moindre desdits offices soit remis à prix, & en vente, ladicte subuention demeure à l'instant mesme estaincte, & qu'il soit permis à chacun en general, & en particulier d'en refuser impunémet le payement. Comme cela, ie croy que vous ne sçauriez que retomb er sur vos pieds: Et de plus, il faudra faire declarer pour symonie punissable, encore plus rigoureusement, silse peut que celle qui se commet aux benefices, & pour le moins d'vne eternelle infamie, toute sorte de commerce qui se fera des offices.

Orles ayant reduicts à ceste pureté, il ne les faut pas laisser tomber en vne autre corruptio. Il faut pouruoir à ce qu'ils ne soient point conferez par faueur, ny sur des resmoignages mendiez ou preoccupez: Et pour cest effect, en renouuellant ces anciennes Loix Romaines, qui estoient faictes contre l'ambition, en establir vne qui soit tenuë pour fondamentale, par laquelle tous ceux qui employerot la recommendation de quelqu'vn, ou ferot quelque brigue pour paruenir à que sque charge, soient declarez inhabiles, d'obtenir, non seulement celle à laquelle ils pretendront pour lors: mais encore toute autre à la quelle ils pourroient en apres esperer.

Toutes resignations comme suspectes defaueur, ou d'interest, &

F iij

foubs l'ombre desquelles quelque fraude se pourroit aysement glisser, doiuent estre rejettees; à plus forte raison les suruiuances qui s'accordent notoirement par vne faueura-ueuglee: car elles se donnent le plus souuent à des enfans, desquels perfonne ne peut respondre: & puis elles introduisent ou consirment ceste coustume, qui est la plus pernitieuse des Estat, de rendre les charges hereditaires.

Bref, il faut croire le Roy fort incorruptible au jugement despersonnes dont il aura pour aggreable de se
seruir: Car il doit esperer plus de
contentement & de sidelité des plus
capables, & des plus gens de bien,
C'est pourquoy il luy en saut laisser
absolument le choix, auquel nulle
autre personne ne se puisse ingerer,
non plus qu'il n'est loisible à des
mains prophanes, de toucher aux
choses sacrees.

Il faut puis apres empescher que les maluersations ne desmentent vne si louable sorte de promotion. Les hommes ne sont pas tousiours semblables à eux mesmes, les honneurs changent les mœurs, & les objects esmeuuent les puissances: Tel aura esté resisté genereusement tandis qu'il estoit homme priué à tous les assauts de la concupiscence, & de l'auarice, qui se trouuant dans les charges , & dans les affaires publiques, soit qu'il n'aye pas assez de loisir pour faire en soy-mesmes des reflections necessaires, soit que la licence où la commodité d'vser des choses, qui chatouillent son desir, corrompent sa continence, se laisse laschement emporter à toute sorte de desbordement. Ceux qui descendent par vn chemin pendant, sils hastent tant soit peu le pas, ne se peuuent retenir qu'ils ne se mettent à la course, puis qu'ils ne courent à brideabattue, & qu'en fin si le chemin est long, ils ne se precipitent: Ainsi en est il de ceux qui font la carriere trop longue das les vanitez du monde, dans lesquelles il est mal-aysé de marcher si retenu, comme il seroit expedient.

Cela veut dire, Messieurs, qu'il faudroit que les charges ne fussent point donnees a perpetuité: Mais qu'il y eust quelque terme presix à chacune, dans lequel ceux qui les auroient administrees sussent obligez d'en rendre compte, & de les remettre entre les mains de celuy qui les leur a donnees, à la charge que s'ils s'estoient dignement acquittez de celles-là, on leur en donnast d'autres, qui ne sussent moins honorables.

C'est la souveraine Panacee de nos maladies: C'est la derniere ancre du salut de ceste Couronne: Iene vous veux pas animer par vostre in-

terest

rest, en vous representat, qu'vn chacun de vous par cest ordre peut plustost esperer d'auoir part en l'honneur de seruir son Prince: mais qu'on demade à la Monarchie d'Espagne, combien cela importe à sa grandeur & à sa conservation, son Royn'est jamais en peine de retirer ses commandements, n'y d'enuoyer des jussions pour se faire obeyr : Ie ne dis pas de Tolede à Valladolid, mais d'vne hemisphere à l'autre : il n'est point obligé à donner des quatrevingts, & des six vingts mille escus pour retirer vne de ses places d'entre les mains d'yn sien subject.

Qu'on le demande à l'Empire du Turban, si ce ne sont pas les precautions qu'il apporte à rendre son grad seigneur absolu parmy les siens, qui le rendet redoutable à tous les habitans de la terrer Mais voicy une seuerité qu'il obserue de plus qu'en Espagne. Celuy qui va estre Gouuer-

G

neur d'vne ville, ou d'vne Prouince. faict en arrivant le procez à son predecesseur; qui ce pendant ayant cedéla place, campe foubs des pauillons: le nouveau Bascha, faict des informations de ses deportements, lesquelles estant faictes, il remet closes, cachetees entre ses mains: puis ils coferent tous deux ensemble des affaires que l'vn abandonne, & l'autre recoit en charge: Et le premier se retire auec les informations, qu'ilva presenter à la porte, c'est à dire au conseil du grand seigneur, où il reçoit la peine, ou la recompense qu'il a me-

Et voudriez-vous souffrir, Mesflieurs, qu'vne autre nation se peust vanter d'auoir des meilleures Loix, plus de zele & d'affectió pour la gradeur de l'Empire, soubs sequel elle estassubjettie, que vous n'en auez pour la coservation de celuy, soubs lequelvous estes nez. Si est-ce que ie

croy que ce Philosophe, qui faisoit tant de gloire d'estre né dans la ville d'Athenes, vous porteroit enuie de ce que vous l'estes dans vne si floris. sante Monarchies Vous viuez soubs la plus heureuse, la plus benigne, & la plus glorieuse dominatio tout ensemble qui soit entre toutes les puissances de la terre: Les faueurs, les caresses, & les prinantez que vous receuez de vos Roys, rendent le joug de vostre obeissance si doux, que les autres peuples souspirent de n'en estre pas subjects: Vous ne pouuez qu'à vostre propre dommage, leur refuser aucune sorte de submission, ny aucun gaige de vostre fidelité: Car c'est de là, d'ou vous vous pouuez asseurer de la cotinuation de vostre bon-heur. Et Dieu vueille, que par les desordres que nos desobeyssances apportent, nous ne nous ren dions la proye de quelque Tyran estranger: C'est pourquoy yous le

Ġ ij

deuez plustost soliciter de mettrevn bon frein aux mauuaises intentions, ou mesmes d'apporter toute sorte de precaution à nostre fragilité.

C'est vne faueur singuliere entre les autres que vous receuez de vos Roys, qu'ils ne vous imposent point de Loy, que ce ne soit presque de vostre consentement: Vous sçauez comme ils soubmettent leurs Edicts à la censure de leurs Cours de Parlement: ils se confient tellement en vos bonnes inclinations qu'ils se remettent, par maniere de dire, à vous de vous faire justice de vous mesmes:Il leur faut tesmoigner qu'ils ne sont point trompez en la bonne opinion qu'ils ont de vous, & demander aujourd'huy toutes les plus rigoureuses loix que vous vous pourrez imaginer contre vos vices, & vos desbauches.

Faictes-vous donc, ie vous supplie, iustice à vous mesmes, Mes-

fieurs, de ce grand luxe, qui corropt toutes les bonnes mœurs, abastardist les courages, consomme vos heritages, & met tous les ordres en confusion: Vous bastissez, comme si vous ne deuiez jamais mourir, & vous faictes des festins tous les jours come si vous deuiez mourir le lendemain : Yous faictes vn degast en vos habillements, en vos ameublements, en dorures, en argenterie, & en pierreries, non comme si vous vouliez vous assouuir de delices, mais comme si vous pretendiez de guet à pend, destruire & ruiner la nature: En effect, ie croy qu'elle ne sçauroit plus gueres de temps fournir à tant de superfluitez: Et ie m'asseure que bien tost vous mesmes aurez epuisé, non seulement l'abondance qui vous les faisoit rechercher, mais ce qui vous feroit besoing aux choses plus necessaires.

De ces mauuais mesnages, le

G iij

Royaume en souffre, & s'en ressent; Car ce qui dessaut aux parties composantes, se trouue sans doute deffaillant au tout composé, on dira que ce qui se perd en vne partie, se retrouue en l'autre : car les vns ne sappauurissent pas, que d'autres ne senrichissent. Mais combien sen dissipe-il, ou par l'vsage, ou par le dechet des factures, dont personne ne proffite: Non de ces fruicts qui se cueillent toutes les années sur la surface de la terre: mais de ceux que l'on fouille auec tant de trauaux dans ses entrailles, à quoy elle met des siecles entiers pour les produire: Puis il faut considerer, que l'aneantissemét qui se fait de ces illustres familles, qui sont autant de pepinieres d'ames heroiques, n'est pas reparé par l'agrandissement des nouvelles, qui ne peuuent pas si tost estre epurces de la lye de leur origine.

Le principal est, Messieurs, que

vous croupissez sur vos cendres, litlusion de ces pompes friuolles vous esblouit les yeux : Vous ne pensez plus comme vos genereux ancestres faisoient à estendre les bornes de cest Empire: Cependant vous croissez, vous multipliez, & bientost vous n'aurez plus de terre pour partager à vos cadets: Il ne faut pas fatrendre à quelque iniuste guerre, qui par vn deplorable remede, vous descharge du sang que vous auez de trop: Il ne faut pas aussi songer à enuahir la terre qui est desia possedee sous quelques legitimes tiltres, mais ilen reste de vagues & des habitees, ou pour le moins qui ne le sont que de peuples qui n'ont, ny Loix, ny Roys: Vn genereux courage de ce temps vous en a descouuert vne de ceste sorte, feconde en toute sorte de biens, situee soubs la region la plus temperee du Ciel, peuplee d'habitants, sur lesquels il ne faut point exercer de cruauté, n'y de violence pour les assubjettir: Ains au contraire, qui vous desirent pour leurs amis, veulent estre receus pour vos freres en la foy du Christianisme, & vous souffrent tres-volontiers pour leurs maistres, vous abandonnent liberalement leurs campagnes encores vierges du soc & de la charruë. Le traject d'icy là est court, & sans peril, il faut aller en ce pays-là planter des colonies, & sans doute, Messieurs, vous deuez fauoriser ce glorieux desseing, par lequel vous portez dans vn monde nouueau ces deux grands estendars de la Croix, & des fleurs de Lys, soubs-lesquels vos predecesseurs ont acquis desia tant de gloire.

Faictes iustice, Messieurs, contre vous mesmes de ceste paresse engourdie, de ceste faine atise qui vous retient dans vos oysiues plumes, & suppliez le Roy de vous ayder aux

commen-

commencements d'vnesibelle conqueste, du progrez de laquelle il se peut promettre d'ajouster vn riche fleuron à sa Couronne: L'on a parlé autrefois de faire vn Ordre de Cheualiers en ce Royaume, qui fussent obligez à seruir le Roy sur ses vaisfeaux, & dans ses Galeres, & d'eriger en Commaderies pour leurs recompenses tous ces benefices qui sont desertez, pour estre tenus par personnes qui ne sont pas de la qualité requise. Ie ne sçay comment ce project, estant si salutaire & plain d'apparence, n'a esté mis en execution, si ce n'est qu'en l'estat où les affaires estoient que nous n'auions point d'ennemis, n'y d'entreprise, n'y de retraicte sur les Mers, n'y sur l'Occean, où par delà, son n'aye pas assez trouué d'employ pour ceste nouuelle milice : Mais maintenant qu'vne si belle occasion se presente qui peut donner de l'occupation,

non seulement à ceste petite trouppe, mais à tant de milliers d'hommes oysifs & vagabonds qui vous demeurent sur les bras: Pourquoy ne releuerez-vous pas vne si louable proposition? Laisserez-vous mai-Ariser ce riche element par ces peuples à qui vous faictes la loy sur la terre, sans que vous en preniez vo-Are part? Si est-ce qu'elle ne seroit pas petire, si vous la vouliez pretendreauecles forces que vous y pourriez desplier: C'est vn fonds qui n'est jamais ingrat, & vous sçauez qu'elle opulence y ont acquise des Republiques, & des Estats, vos voisins qui ne moissonnent que dans ces chaps azurez: Mais outre cela pouuez vous dormir sans estre equillonnez de quelque jalousse des beaux exploiets qui s'y executent? Gardezvous pour le moins des Corsaires, qui deualisent tous les iours vos marchands: faictes pour le

moins, que les habitans de vos riuages maritimes puissent viure en seureté.

Faictes-vous iustice encore, Messieurs, & principalement vous, Messieurs de la Noblesse, de ces tenebres d'ignorance où vous estes plongez, qui font que vous estes incapables de la plus part des charges ausquelles vous deuez aspirer : & que la grandeur ou la chaleur de vos courages (aulieu d'exercer la vraye vaillance que vous ne cognoissez point) ne produict que des brutalitez: Chastiez-vous tous generalement de ceste legereté qui vous rend le iouer & la fable des autres nations, de ceste effrontee temerité qui vous faict oublier toute sorte de respect, non seulement à la conversation civile, mais à la Maiesté mesme de vos Roys, que vous n'espargnez point en l'insolence de vos discours: Chassez de vos cœurs ceste insatia-

H is

ble auarice, ceste ambition esfrence, qui sont les premieres causes de tous les mal'heurs & de tous les desordres dont vous yous plaignez.

De ces abus, il en faut faire le reglement en vous mesmes, il ny faut
point implorer la force d'autres
Loix que de celles de vostre raison:
Et quand vous aurez faict vne belle
reformation chacun à part soy des
excez que vous y trouuerez, le public qui n'est dissorme que par le reglement de vos passions, se trouuera restably en la pureté, aux immunitez, & en la ioye d'vne cité celeste.

Les Roys n'opprimet point leurs peuples, ne leur imposent point de charges, que pour auoir moyen de les contenir, & de les contenter: ils n'exigent rien sur les vns, que pour le respandre sur les autres: Ils sont comme les rouës que l'on faict dans le courant des riuieres à puiser de l'eau, qui versent en yn endroit ce qu'elles ont puisé dans l'autre, & tout se retrouue dans legrand canal: Leurs personnes, quoy que sacrees n'auroient pas besoing de si grands reuenus: Elles ne peuuent consommer des fruicts de la nature plus que les autres hommes: Mais ayans à respondre de tant de creatures que le Ciel leur a soubmises, ausquelles il est necessaires qu'ils se façent aymer & craindre, ils sont contraincts de faire des grandes despences en la grandeur de leur suitte, en la distribution de leurs biens-faicts, en l'entretenement des gens de guerre, en l'establissement de la iustice, a quoy il est force que leurs subjects mesmes contribuent : Et puis que ce n'est que pour les retenir en leur deuoir, tant plus ils seront reuesches à fyranger, tant plus il faudra de violence, ou de liberalité pour les y contraindre, ou pour les y attirer: Et par consequent il les faudra surcharger

H iii

de plus grandes exactions.

Il sensuit par vn argument contraire, qu'il ne tiendra qu'à vous, Messieurs, que vous ne receuiez du soulagement des charges dont vous murmurez: le parle àtous ensemble, combien qu'il n'y en aye qu'vne partie de complaignans: Mais ie presupose que ne faisans qu'vn corps, les membres qui sont exempts de douleur compatissent à ceux qui sont afsligez, & que les vns doiuent cooperer au salut des autres.

Il s'engendre au corps humain vne maladie que les Medecins appellent saim canine, lors que les parties nobles affectees d'vne certaine intemperiene se peuvent rassasser, deuorant tout ce qui leur est presenté, & tirent à elles tout le suc, & toute la chaleur des autres parties, puis en sin elles perissent toutes ensemble. C'est la mesme maladie dont il est maintenant question, qui trauaille le corps

de cest Estat: Les grands, les courtisans embrasez de ces seux d'auarice & d'ambition ne mettent point de bornes à seur cupidité, n'y de sin à seurs importunitez, tellement qu'il saut pour les assouuir, épuiser la substance de tout le reste de l'Estat: Et ce pendant ils ne peuvent euiter d'en estre accablez soubs les ruines.

Les remedes en doiuent venir de vous, Messieurs, en tant que ces parties vicieuses sont de vostre corps: Il faut corriger en elles ceste ardeur enragee qui les eschauffe en cest appetit de vouloir tout engloutir, afin que n'abusans plus de le boté de nos Roys, qui ne se peut dessendre des charmes de leurs artifices, ou de leurs flatteries, elles s'abstiennent d'en exiger ces immenses liberalitez dont toutes les autres parties sur lesquelles il les faut extraire, demeurét desseichees & priuees d'aliment & de vie.

Si vous rendez aussi, Messieurs, tant de preuues de vostre preud'hommie, & de vostre sidelité à vostre Roy, qu'il se puisse pour tousiours asseurer de vostre obeyssance, & de vostre subjection à ses bonnes & iustes Loix, sans qu'il aye besoin de vous y contenir par la terreur des armes, vous pouuez vous reconquerir vostre franchise naturelle.

Il ne vous restera que le soing de jouir heureusement de ceste paix, dont pour les premieres delices ceste grande Royne qui vous l'a donnee, vous presente les pompes des plus grands, & des plus augustes mariages qui se puissent contracter sur la face de la terre: C'est la premiere chose à quoy l'on pouruoit dans les petites familles, que d'y asseurer la suite des successeurs, à plus forte raison falloit-il preuoir à faire renaistre vne precieuse lignee de nostre

stre Roy, qui conseruast sa couronronne, apres qu'il saura possede des siecles entiers dans son illustre & sacree famille la plus grande & la plus ancienne de tous les Roys du monde?

On ne la pouvoit enter sur vn tyge plus glorieux, que sur ce grand empire d'Espagne, dont l'estenduë n'a point d'autres limites que celles du Soleil: Mais quel autre Empire pouuoit estre digne de nostre alliance? Et quelle autre alliance nous pouuoit estre plus vtile que celle-là? de qui pouvons nous apprédre de plus iustes loix, de plus louables mœurs, ou plus de pieté? De qui pouuonsnous receuoir plus de secours, & plus a poinct-nommé, que de ceste nation qui est à nostre porte, & qui apres auoir esleué ses estendarts sur tout ce qui estoit à conquerir, n'a plus affaire qu'à veiller sur la paix vniuerselle, & sur l'entretien de la so-

cieté du genre humain, sans doute si ses armes secondent les vostres, la partie sera mal-faicte de tout le reste du monde contre vous : Et que les mauuais subjects, les esprits seditieux sont estonnez: Ils sçauent bien qu'ils ne pourront plus impunement susciter des factions, fomenter des rebellions, n'y fauoriser des desobeyssances. Bref toutes les circonstances necessaires à vostre bien se rencontrent si heureusement en ce salutaire dessein, que l'esprit de la Royne se peut dire auoir esté (quand elle le conçeut) plustost illuminé d'vne inspiration diuine, que guidé par vne prudence humaine: A quoy tient-il, Messieurs, que vous n'auez desia sur vos testes de chappeaux de fleurs, & dans vos mains les flambeaux allumez pour solemniser ce triomphant hymenee.

Certes, Messieurs, c'est la pierre angulaire de vostre repos, & les beaux yeux de ceste grande Royne, qui ont si bien recogneu comment il la falloit mettre en œuure, sont les astres de qui vous deuez implorer les fauorables influences pour obtenir de vos destinees quelque prosperité: Vous sçauez desia ce qu'ils peuuent, & c'est de leur vigilance que vous tenez ces heureux euenements, qui pour estre tant esleuez par dessus toutes vos esperances, ne se peuuent appeller que des miracles.

Considerez-les, ie vous supplie, Messieurs, ie ne vous en veux dire qu'vn: Et ne puis vous le representer, que mon imagination ne demeure suspendue d'estonnement: N'est-ce pas vn miracle qui ne se pourraiamais assez celebrer, que ce Royaume escroulé dans les bras du plus grand Monarque du monde, de celuy qui pourroit soustenir la Machine du Ciel: Mais il sussit suspit de dire

dans les bras de HENRY LE CRAND aye trouué son r'affermissement en ceux de ceste incomparable Princesse.

Il faudra pour le faire croire à la posterité luy descouurir qu'elle auoit à son ayde les mesmes Conseillers que HENRY LE GRAND: Ceux qu'il auoit rendus complices de tous les secrets de son cœur, & les oracles sur la foy, desquels il l'estoit rendu si redoutable: Ces grands Genies de cest Estat, qui cognoissants par où il estoit esbranlé, come ayants de longue main veillé à son esseuation, & comme en ayant veu tant de crifes, sçauoiet bien aussi par où il le falloit appuyer: mais il ne laisse pas d'en demeurer tat de gloire à nostre Royne, qu'il n'y a point de tiltre assez illustre pour rendre à son nom Phonneur qu'elle a meritee : Et cela me fai& conclurre, que si vous ne trouuez soubs sa protection, & soubs sa 69

conduicte les felicitez de l'aage doré: Vous n'en deuez iamais esperer: Profitez le temps, Messieurs, & prenez en bonne part que ie vous exhorte au bien qui me doit estre commun.

FIN.





Acc84-546(21)



